

17.25 CUNTRASTS SIN SRF 1

IlS mastergnants dal maister

Lavurar cun Peter Zumthor.



L'idea da sias ovras vegnia dal venter, di l'architect da renum Peter Zumthor. El vala sco architect d'intgins dals edificis ils pli subtils ed admirads dals davos 25 onns. Realisadas vegnan sias ideas dentant da mastergnants. En il film «IlS mastergnants dal maister» raquintan els tge che quai munta da lavurar per l'architect da renum mundial ch'è enconuschent per esser pedantic, pretensius, stinà e senza cumpromiss. «El sa schon era magari vegnir dad aut», è in'experientscha dal fra-vi Mario Waser. L'experientscha dal constructur da tendas Thomas Golle: «Cuntentar Zumthor pretenda in sforz enorm». E tenor il seller Johannes Mohr dovri «disciplina, blera disciplina e savoir». Il film en occasiun al 75avel anniversari da Peter Zumthor dat in maletg dal maister ord vista dals mastergnants.